

HELAIAN PENDEDAHAN PRODUK

Pelanggan yang dihormati,

Helaian Pendedahan Produk (PDS) ini memberikan anda maklumat penting tentang pelan insurans kemalangan diri **PesonaLady**. Pelanggan lain telah membaca PDS ini dan mendapati ia membantu, anda harus membacanya juga.



Insurans Am

Tarikh: 01/01/2026

1 Apakah itu PesonaLady?

Pesona Lady ialah pelan kemalangan diri yang menyediakan pampasan perlindungan untuk kematian, ketidakupayaan kekal akibat kemalangan, perlindungan terhadap kanser wanita, serta perlindungan terhadap jenayah di dalam satu pelan komprehensif.

2 Ketahui Perlindungan Anda

Untuk tempoh perlindungan selama setahun, anda akan menerima perlindungan insurans berikut:

No.	Manfaat	Jumlah Manfaat (RM)
1.	Kematian akibat kemalangan	100,000
2.	Ketidakupayaan kekal akibat kemalangan	Sehingga 200,000
3.	Tunai Ihsan	2,000
4.	Kanser wanita	20,000
5.	Kematian akibat komplikasi bersalin	20,000
6.	Pembedahan rekonstruktif muka atau rawatan pergigian akibat kemalangan	Sehingga 10,000
7.	Tunai ihsan akibat ketidaksuburan akibat kemalangan	10,000
8.	Elaun kemasukan ke hospital akibat kemalangan	100 sehari, sehingga 10,000
9.	Perbelanjaan perubatan akibat kemalangan	Sehingga 5,000
10.	Pembedahan kulit akibat kemalangan dan/atau kelecuman	Sehingga 5,000
11.	Yuran ambulans	Sehingga 500
12.	Penculikan	Sehingga 30,000
13.	Ragut	Sehingga 1,000
14.	Perlindungan pengeluaran tunai mesin juruwang automatik	Sehingga 1,000
15.	Tunai Ihsan bagi keganasan rumah tangga	500
16.	Bonus kemakmuran keluarga bagi kelahiran anak kembar dua atau lebih	1,000

Nota:

- Sila rujuk kontrak polisi untuk maklumat lanjut berkenaan manfaat-manfaat di atas.
- Tempoh perlindungan insurans adalah satu (1) tahun. Anda perlu memperbaharui polisi setiap tahun dan premium boleh dibayar secara bulanan atau tahunan.
- Manfaat-manfaat yang dibayar di bawah produk yang layak adalah dilindungi oleh Perbadanan Insurans Deposit Malaysia (PIDM) sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi kami atau PIDM (layari www.pidm.gov.my).

Polisi anda tidak melindungi:

- Penyakit sedia ada dan penyakit khusus;
- Keadaan congenital;
- Mencederakan diri sendiri dengan sengaja atau percubaan membunuh diri;
- Kemabukan akibat alkohol atau dadah;
- AIDS atau kehadiran sebarang HIV;
- Gangguan mental dan saraf;
- Komplikasi penyakit venereal;
- Menyertai pasukan tentera laut, darat, udara, polis, jabatan bomba atau yang lain-lain;
- Mengambil bahagian dalam pekerjaan berbahaya;
- Sebarang tindakan perang, mogok, rusuhan atau kekecohan awam, kontaminasi radioaktif atau nuclear dan tindakan penganas; atau
- Mengambil bahagian dalam sukan dan aktiviti berbahaya.

Nota: Senarai ini tidak menyeluruh. Sila rujuk kontrak polisi untuk senarai penuh pengecualian.

Sekiranya anda mempunyai sebarang soalan atau memerlukan bantuan mengenai produk insurans kemalangan, anda boleh:



Hubungi kami di 1-300-88-6688
(Pusat Panggilan Kumpulan Maybank)



Layari laman web ¹



Emel kepada
info@etiqa.com.my



Imbas kod QR

¹salin pautan ini: https://www.maybank2u.com.my/maybank2u/malaysia/en/personal/insurance/personal_accident/pesonalady.page?

3 Ketahui Kewajipan Anda

Untuk PesonaLady, jumlah premium yang perlu dibayar adalah berbeza berdasarkan kumpulan umur dan mod pembayaran. Untuk jumlah manfaat RM100,000.00, anda perlu membayar premium sebanyak:

Kumpulan Umur	18 hingga 40 tahun		41 hingga 70 tahun	
Mod Pembayaran	Bulanan	Tahunan	Bulanan	Tahunan
Premium Asas (RM)	21.00	240.00	39.00	440.00
Anda juga harus membayar fi and caj berikut:				
Komisen Dibayar Kepada Pengantara	25%	25%	25%	25%
Cukai Perkhidmatan	8%	8%	8%	8%
Duti Setem	10.00	10.00	10.00	10.00
Jumlah Premium Perlu Dibayar	32.68	269.20	52.12	485.20

- Pembaharuan polisi adalah digunapakai dari umur 61 hingga 70, tertakluk kepada syarat bahawa kami berpuas hati dengan kesihatan anda. Premium pembaharuan adalah berdasarkan kumpulan umur 41.
- Kadar premium adalah tidak dijamin dan mungkin akan dinaikkan atau berbeza semasa polisi diperbaharui, berdasarkan kepada pencapaian usia empat puluh satu (41) tahun atau pengalaman tuntutan portfolio Syarikat Insurans di dalam perniagaan ini.
- Premium boleh dibuat secara autodebit daripada akaun pilihan anda (semasa/simpanan/kad kredit) mengikut kaedah pilihan anda, sama ada bulanan atau tahunan.
- Semua premium (jika terpakai) akan tertakluk kepada caj-caj atau cukai-cukai yang berkenaan, sebagaimana yang dianggap perlu oleh pihak berkuasa cukai Malaysia. Adalah penting untuk anda menyimpan apa-apa resit yang anda terima sebagai bukti pembayaran premium.

4 Syarat Utama Lain

1. Anda harus memberikan maklumat tepat dan cukup semasa permohonan. Anda harus mendedahkan semua fakta material seperti pekerjaan dan aktiviti peribadi.
2. Perlindungan insurans hanya berkuat kuasa apabila anda telah membayar premium (Bayaran Sebelum Perlindungan).
3. Semua tuntutan hendaklah dimaklumkan kepada kami secepat mungkin tidak melebihi 30 hari selepas kejadian yang melayakkan anda untuk membuat tuntutan ke atas polisi. Sila kemukakan kepada kami semua dokumen yang berkaitan untuk menyokong tuntutan anda. Sebarang dokumen atau bukti yang diperlukan oleh kami untuk mengesahkan tuntutan tersebut perlu dikemukakan kepada kami atas perbelanjaan anda sendiri.

Nota: Senarai ini tidak menyeluruh. Sila rujuk kontrak polisi untuk senarai penuh terma dan syarat.

? Bolehkah saya membatalkan polisi saya?

Boleh. Anda boleh membatalkan polisi dengan memberi notis bertulis kepada kami. Atas pembatalan tersebut, anda boleh mendapat kembali sebahagian premium anda dengan syarat tiada tuntutan telah dibuat sepanjang tempoh insurans.